

84. ԴԱՆՁԱԿ ՔԱՂԱՔ (ԿԻՐՈՎԱԲԱԴ)

Քաղաքում հարկական հուշարձաններ շատ կան, բայց համեմատաբար նոր են: Համաձայն վկայությունների, դրանցից միայն երկուսը կարող են մտնել մեր ծրագրի մեջ (մինչև XVII դարի վերջը): Սակայն ավելորդ չենք համարում թվարկել բոլորը:

Ա. Ս. Հովհաննես-Մկրտիչ եկեղեցի, շինված է 1633 թ., գտնվում է Քիլիսաքենդ թաղամասում, թաղածածկ շենք է՝ վեց մուկների վրա. առկա ունեցել է գավիթ՝ շինված 1816 թ. և զանգակատուն՝ շինված 1869 թ.: Դավթի ներսում և շրջապատում թաղված են եղել XVIII դարի նշանավոր գործիչներ:

Բ. Ս. Լուսավորիչ եկեղեցի. հիմնվել է 1853 թ. և ավարտվել՝ 1869 թ.:

Գ. Ս. Գևորգ. հասարակ շենք. ժամանակն անհայտ:

Դ. Ս. Աստվածածին. կառուցված է 1712 թ.: Սրանցից բացի եղել են նաև մի քանի մատուռ-ուխտատեղիներ. ա. Աստվածածին՝ 1867 թ., ա. Սարգիս, ա. Կիրակոս և ա. Յուդիտա: Վերջին երկուսի անունները հիշատակված են մեկ տապանաքարի վրա, որը կոտրված է չորս մասի: Նրա արձանագրության մնացորդներից կարելի է ենթադրել, որ դրանք կառուցվել են :ՌԻԹ: (1580) թվականին¹:

809. Ս. ՀՈՎՀԱՆՆԵՍ-ՄԿՐՏԻՉ եկեղեցու հարավային պատին, արևի ժամացույցի տակ.

Ի ժամանակն Ովանէս կաթուղիկոսի, թվին :ՌՁԲ: (1633) ամի շինեցաւ սուրբ Ովանէս եկեղեցին:

Հրատ. Բարխուդարեանց,՝ 37, Լալահան, V, 299:

810. ՏԱՊԱՆԱՔԱՐԻ վրա, որ գտնվում է ա. Հովհաննեսի հարավային ավանդատան մեջ.

Տէր Յիսուս Քրիստոս. :ՌՃՂԱ: թվին (1742).

Այս է տապան սուրբ Ներսէսի

եւ Աղուանից կաթուղիկոսի.

Եղև վախճան հանդիսի

Երկյոթելեան (100) կյանս հասի,

Ապա կոչումն տառն լսի

Փոխեալ ասէն յերկինս դասի.

Հազար երկու հարիւր ամի,

:ԲԺ: թուի (1763),

Եւ Բարադասի

Ներ սորա անուջ հիշատակի.

Սանոթ. Հրատարակիչը վերջին երկու տողերը վատ է վերծանել: Ճիշտ է նաև առաջին տողի թվականը, որովհետև Ներսեսը մահացել է 1763 թ., որը համապատասխանում է արձանագրությանը:

Հրատ. Բարխուդարեանց, 36:

811. ՏԱՊԱՆԱՔԱՐԻ վրա, նախորդի մոտ.

Այս է հանգիստ Իսրայէլին,

Որ է ազնիւ և գովելին,

Նման արդարոյն Աբէլին,

Եւ որդի Մելիք Հաթամին.

¹ Հմմտ. Բարխուդարեանց, 36—52, Լալահան, V, 299—301:

Ուրուսասան կեանք սկալի
Առնու անանց պարգևս լի
Եւ մեզ եթող սրսնութեամբ լի.
:ՌՄԻԵ: թուի (1776)
Եւ :ԺԵ: (15) Մայիսի:

Հրատ. Բարխուդարեանց, 36:

Ս. ՀՈՎՀԱՆՆԵՍ ԵԿԵՂԵՑՈՒ ԳԱՎԹԻ մեջ եղել են հետևյալ տապանադրերը.

812. Այս է տապան սուրբ Եղիշէի առաջնորդ Վա՛րդան՝ վարդապետին.
թվ. :ՌԱԶ: (1757):

Հրատ. Բարխուդարեանց, 38:

813. Այս է տապան Զարաբերդցի Աթանառ վարդապետի... :ՌՄԺԳ: (1764):

Հրատ. Բարխուդարեանց, 38:

814. Այս է շիրիմ սուրբ Երուսաղէմայ նուիրակ քոխաթցի Ֆարուսն
վարդապետի. :ՌՄԼԵ: (1786):

Հրատ. Բարխուդարեանց, 38:

815. Այս է տապան Մոռոս անապատի առաջնորդ Ֆարուսին վարդապետի.
:ՌՄԽԹ: յունիս :ԺԶ:-ին (1800) հունիս 16):

Հրատ. Բարխուդարեանց, 38:

816. Այս է տապան սուրբ Ասեփաննոս նախավկայի միաբան Սեփաննոս
վարդապետի :ՌՄԶԳ: (1844):

Հրատ. Բարխուդարեանց, 38:

817. ՆՈՒՅՆ ԳԱՎԹԻ հյուսիսային մուտքի առաջ, արտաքուստ, տապանա-
քարի վրա.

Այս է տապան Կորգի որդի մելիք Մնացականին. :ՌՄԻ: (1771):

Հրատ. Բարխուդարեանց, 38:

818. ՆՈՒՅՆ ԳԱՎԹԻ հարավային կողմում, արտաքուստ, տապանաքարի վրա.
Անմոռաց յայս տապան քաջ անուանի հանգի մարմին մելիք Առսամի.
յազգէն Բագրատունի, հայկազանց տոհմի. զիրող Բարսում, Գանձակ նահանգի.
ծնեալ 1722, վախճանեալ 1794 ամի:

Հրատ. Նալբան, V, 268:

819. ՆՈՒՅՆ ԳԱՎԹԻ արևմտյան մուտքի առաջ, արտաքուստ, տապանաքարի
վրա.

Այս է տապան Աւագ վարդապետին, որ է Զարապետու Մեծ-Կունէից. :ՌՄԽԵ:
(1796):

Ծանոթ. Սա ժամանակի հերոս Դալի Մահտաթի կոչվածն է:

Հրատ. Բարխուդարեանց, 38:

820. ՆՈՒՅՆ ԳԱՎԹԻ հյուսիսային կողմում, պարանդի մեջ, տապանաքարի վրա.
Այս է տապան Զարաբերդցի Սարգսի որդի Արզուման Ուզպաւուն. :ՌՄԽԵ: թուին
(1796):

Ծանոթ. Սա Թուլլի-Արզուման կոչված հերոսն է:

Հրատ. Բարխուդարեանց, 38: